

fratrum suorum dignam satisfactionem^a exsolvat. Si autem aliquis contumax extiterit et, a fratribus suis monitus, culpam suam nullatenus emendare voluerit, per duos vel tres abbates de vestro ordine episcopo, in cuius parrochia est, culpa illius exponatur, et per illum iterum cum predictis abbatibus de correctione sua admoneatur. Quod si nec sic correctus fuerit, ne et sibi et gregi commisso perniciosus existat, secundum consilium eorundem abbatum, per quos culpa eius innotuit, ab episcopo suo deponatur, et alium in locum illius secundum liberam fratrum eiusdem ecclesie^b electionem, qui eisdem digne preesse valeat, subrogetur. Depositus autem ad ecclesiam, unde assumptus^c est, revertatur. Prohibemus etiam, ut nulli umquam fratrum vestrorum post factam professionem absque libera abbatis sui et fratrum licentia liceat, ecclesiam, in qua professionem^d fecit, relinquere et ad aliam pertransire. Nec aliquis episcoporum, abbatum, priorum vel aliqua persona^e eum retinere presumat, sed tamquam sue professionis^f prevaricator redire ad locum proprium compellatur. Porro ordo canonicus, qui per dei gratiam secundum regulam beati Augustini^g in ecclesia vestra noscitur institutus, perpetuis ibi temporibus inviolabiliter conservetur. Id ipsum autem et de his, que per vos in posterum, divina cooperante clementia, in regulari ordine fuerint institute, firmiter observari decernimus. Preterea quieti et hutilitati vestre in posterum providentes apostolica auctoritate prohibemus, ut abbates de vestro conventu nullum militem vel aliquem alium in hominum suscipiant, vel bona ecclesiarum in beneficium^h cuiquam tribuant. Hec igitur et alia, que secundum deum communi assensu tenenda ammodo decreveritis, ad honorem sanctę ecclesię et religionis augmentum auctoritate beati Petri, apostolorum principisⁱ, et nostra confirmamus et rata esse precipimus. Si quis autem huic nostre constitutioni^k temerario ausu contraire temptaverit, nisi reatum suum secundo tertiove commonitus congrue emendaverit, domini corporis et sanguinis participatione privetur. Conser-vantes autem intercedentibus beatorum apostolorum Petri

a) Das zweite 's' ist übergeschrieben. b) 'ecclesie eiusdem', durch zwei Striche je über den ersten 'e' die Umsetzung angedeutet. c) Es stand 'assumptur', das 'r' wegradiert, über das 'u' ein 's' gesetzt. d) 'professionem'. e) 'persana', aus dem ersten 'a' durch Correctur ein 'o' gemacht. f) 'proffessionis', im ersten 'o' radiert. g) 'August' auf Rasur, es stand 'Benedicti'. h) Ursprünglich 'beneficiunt' das 't' radiert. i) 'principi'; es stand am Ende ein 'm' zum 'i' radiert. k) Es stand 'constitutionis', das 's' am Ende wegradiert.